

唐均正 式

顧氏音學五書

唐  
王  
人

唐  
王  
人

唐韻正上聲卷之九

音學五書  
二十五

三十三哿

三十四果

古與三十三哿通爲一韻

妥

他果切

古音綏儀禮士相見禮凡言非對也妥而後傳言註古文妥爲綏亦詩綏我眉壽綏音安禮記曲禮下大夫則綏之國君綏視註綏讀曰妥音義妥湯果反又他回反檀弓文子其中遑然如不勝衣遑或爲妥主易繫辭傳夫坤隤然示人簡矣隤字陸董姚本竝作妥儀禮特牲饋食禮佐食授按祭註古文授作綏少牢饋食禮佐食以綏



祭註綏或作接接讀爲墮上佐會綏祭註綏亦當作接有  
司徹其綏祭其嘏亦如儻註綏皆當作接接讀爲藏其情  
之情古文爲𠄎今詩以妥以侑及士虞禮主人及祝拜妥  
尸特牲饋食禮主人拜妥尸少牢饋食禮祝主人皆拜妥  
尸不从糸亦不从手而廣韻無接字但於接字下註云俗  
作接兩見於六脂八戈部中一音𠄎一奴禾反按此字从  
𠄎則當音情从妥則當音綏詩福履綏之嘉賓式燕綏之  
並與𠄎爲韻雄狐綏綏與崔爲韻福祿綏之與崔爲韻左  
右綏之與追爲韻但古文傳寫多混遂以妥字作他果音  
矣與集古錄楊南仲釋周鼎銘曰妥字說文無之蓋古綏  
字省糸爾其後相承讀如媾故妥疑讀爲綏漢書武五  
子傳薰鬻徙域北州以妥師古曰妥音湯果反非也妥卽  
古綏字說文接从木妥聲今接字在六脂韻音莊當  
改入脂韻

火

呼果切

火

古音毀

詩七月首章七月流火九月授衣

二章同

三章七月流火八月萑葦

大田見入聲騰字下見左傳

僖十五年晉獻公卜繇爲雷爲火爲嬴敗姬姓商子畫策

篇聖人見本然之政知必然之理故其制民也如以高下

制水如以燥濕制火淮南子倣真訓巫山之上順風縱

火膏夏紫芝與蕭艾俱从說山訓耀蟬者務在明其火

釣魚者務在芳其餌易林乾之小過從風放火荻芝俱

从泰之旅從風吹火牽騏驥尾同人之漸魁行搖尾

逐雲吹火坎之大壯乘船渡濟載水逢火賴得免患我

有所恃說苑談叢篇君子得時如水小人得時如火

吳越春秋目臥則攻之以蓼足寒則漬之以水冬常抱冰

夏還握火說文火燬也釋名火毀也物入火中皆毀

壞也爾雅釋言燬火也疏李巡曰燬一名火孫炎曰方

言有輕重故謂火爲燬郭云燬齊人語方言云燬呼隗切

火也楚轉語也猶齊言焜音毀火也按火音毀轉聲則

爲喜故灰字從火得聲而左傳襄三十年或叫于宋太廟

曰謔謔出出鳥鳴于毫社如曰謔謔則爲火之徵也  
東通志曰古人一年四時改火今瓊州西鄉音謂一年爲  
一火火音微東鄉人謂年爲喜或謂之化乃火之變音  
當改入止韻

# 三十五馬

此韻當分爲二

## 馬

莫下切

古音莫補反書五子之歌見下  
詩漢廣二章翹翹鎔薪言刈其楚之子于歸言秣其馬  
擊鼓三章爰居爰處爰喪其馬于以求之于林之下  
叔于田三章叔適野巷無服馬豈無服馬不如叔也洵美且武  
大叔于田首章叔于田乘乘馬執轡如組兩驂如舞叔在藪火烈具舉袒  
裼暴虎獻于公所將叔無狃戒其傷女  
朱林三章駕我



乘馬說于株野 東山四章倉庚于飛熠燿其羽之子  
歸皇駁其馬 四牡二章四牡騤騤嘽嘽駘駘豈不懷歸  
王事靡盬不遑啟處 吉日二章吉日庚午旣差我馬  
之所同麀鹿麀鹿慶慶漆沮之從天子之所 十月之交見氏  
字下 采芣首章采芣采芣筐之筥之君子來朝何錫予  
之雖無予之路車乘馬又何予之玄衮及黼 緜二章古  
公亶父來朝走馬率西水滸至于岐下爰及姜女聿來胥  
宇 崧高五章王遣申伯路車乘馬我圖爾居莫如南土  
有客有客有客亦白其馬有萋有且追琢其旅 駟駟  
駟牡馬在駟之野薄言駟者 易繫辭下傳服牛乘馬引  
重致遠以利天下 左傳閔元年震爲土車從馬 昭二  
十五年童謠鸛鵒之羽公在外野往饋之馬 楚辭離騷  
紛總總其離兮班陸離其上下吾令帝閭開關兮倚閭  
闔而望予時嘽嘽其將罷兮結幽蘭以延佇世溷濁而不  
分兮好蔽美而嫉妬朝吾將濟於白水兮登閭風而縹馬  
忽反顧以流涕兮哀高丘之無女 九歌國殤見下 管

子小匡篇美金以鑄戈劒矛戟試諸狗馬惡金以鑄犀兕  
鉏夷鋸擣試諸木土 七臣七主篇臺榭相望者以國之  
廡也馳車充國者追寇之馬也羽劒珠飾者斬生之斧也  
莊子達生篇譬之若載鼙以車馬樂鸚以鍾鼓也 盜  
跖篇見下 韓非子功名篇故曰至治之國君若將臣若  
鼓技若車事若馬 大戴禮五帝德篇富而不驕貴而不  
豫黃黼黻衣丹車白馬伯夷主禮龍夔教舞 六韜三陣  
篇用車用馬用文用武 突戰篇令我壘上多積強弩百  
步一突門門有行馬車騎居外勇力銳士隱伏而處 史  
記秦始皇紀琅邪臺刻石文六合之內皇帝之土西涉流  
沙南盡北戶東有東海北過大夏人迹所至無不臣者功  
蓋五帝澤及牛馬莫不受德各安其宇 天官書王良策  
馬車騎滿野 滑稽傳楚莊王之時有所夢馬衣以文繡  
置之華屋之下席以露牀啗以棗脯 漢司馬相如上林  
賦蒙鵲蘇袴白虎被斑文跨野馬 枚乘七發誠奮厥武  
如振如怒沌沌渾渾狀如奔馬混混庵庵聲如雷鼓 韓



詩外傳微幸者伐性之斧也嗜慾者逐禍之馬也謾誕者  
趨禍之路也毀於人者困窮之舍也說苑同淮南子

天文訓至于悲泉爰止其女爰息其馬繆稱訓善御者

不忘其馬善射者不忘其弩善爲人上者不忘其下齊

俗訓是從牛非馬以徵笑羽也以此應化無以異於彈一

絃而會棘下詮言訓見後字下說山訓見狗字下

說林訓君子之居民上若以腐索御奔馬若履薄冰蛟在

其下若入林而遇乳虎文子微明篇上五之與下五猶

人之與牛馬也王褒四子講德論見去聲寇字下易

林觀之晉膠車木馬不利遠賈无妄之渙狗生龍馬公

勞嫗苦而大畜之大有黃帝出游駕龍乘馬東至太山南

過齊魯咸之同人以鹿爲馬欺誤其主恒之益東資

齊魯得驛大馬便辟能言市人善賈鄰人併戶請火不與

人道閉塞鬼崇其宇遯之豫王良善御伯樂知馬周旋

步驟行中規矩解之晉異國他土出良駿馬鼎之夬

見走字下說苑指武篇如履之守戶如輪之逐馬太

玄經更次五童牛角馬不今不古 逃次三競其股鞭其  
馬寇塹其戶 玄文君子乘位爲車爲馬車輪馬駟可以  
周天下故利其爲主也 漢書禮樂志郊祀歌練時日篇  
靈之下若風馬左倉龍右白虎 又見下 王莽傳見斗  
字下 揚雄太僕箴見下 越絕書記地傳夫越性脆而  
愚水行而山處以船爲車以楫爲馬 敘外傳記子胥何  
由乃困於楚范蠡不久乃爲狂者句踐何當屬莖養馬  
又見走字下 參同契燕雀不生鳳狐兔不乳馬水流不  
炎上火動不潤下 崔駰安封侯詩被光甲兮跨良馬揮  
長戟兮彀強弩 張衡西京賦見下 又見平聲薄字下  
李尤平樂觀賦翫屈奇之神怪顯逸才之捷武百僚于  
時各命所主方曲旣設祕戲連敘逍遙俯仰節以鞀鼓戲  
車高撞馳騁百馬連翩九仞離合上下 孤兒行父母在  
時乘堅車駕駟馬父母已去兄嫂令我行賈南到九江東  
到齊與魯臘月來歸不敢自言苦 南齊書樂志引周處  
風土記吳黃龍中童謠云行白者君迫汝句驪馬後孫權

征公孫淵浮海乘舫舫白也者一作渚其後爲白紵歌  
後魏穆子容太公呂望碑辭佐命周室開邑齊土北控趙  
燕南臨鄒魯一匡九合懸車束馬位極三事勳高萬古  
韻補馬滿補切說文馬武也怒也史記索隱音姥毛詩凡  
馬皆讀如姥陳第曰古馬字音姥莽字亦音姥漢有馬  
何羅者以反伏誅明德皇后惡其先有叛改爲莽何羅改  
字不改音後轉爲母果反魏繆襲挽歌詩白日入虞淵懸  
車息駟馬造化雖神明安能復存我晉潘岳西征賦野蒲  
變而成脯苑鹿化以爲馬假譏逆以天權鉗衆口而寄坐  
可以觀聲之變矣水經注馬邑川俗謂之磨川蓋狄語  
言訛馬廐聲相近故爾按廣韻媽字尚音莫補切在十  
姥韻

章也切

者

古音渚平聲則音諸詩綢繆三章綢繆束楚三星在戶  
今夕何夕見此粲者子兮子兮如此粲者何巷伯六章



彼譖人者誰適與謀取彼譖人投畀豺虎者與虎爲韻  
采綠四章其釣維何維魴及鱣維魴及鱣薄言觀者 駟

見上 孔子猗蘭操習習谷風以陰以雨之子于歸遠送

于野何彼蒼天不得其所逍遙九州無所定處時人闇蔽

不知賢者 楚辭九歌湘夫人捐余袂兮江中遺余襟兮

澧浦搴汀洲兮杜若將以遺兮遠者時不可兮驟得聊逍

遙兮容與 老子見入聲足字下 管子四稱篇不仁羣

處以攻賢者 白心篇見後字下 莊子逍遙游篇子獨

不見狸狌乎卑身而伏以候敖者東西跳梁不避高下中

於機辟舛於罔罟今夫釐牛其大若埴天之雲此能爲大

矣而不能執鼠今子有大樹患其無用何不樹之於無何

有之鄉廣莫之野彷徨乎無爲其側逍遙乎寢臥其下不

天斤斧物無害者無所可用安所困苦哉以者下罟鼠野

下斧者苦爲韻 荀子大略篇流丸止於甌臠流言止於

智者 史記秦始皇紀見上 淮南子俶真訓逮至夏桀

殷紂燔生人辜諫者爲炮烙鑄金柱 說山訓譬猶保瓦

而追狂人盜財而予乞者竊簡而寫法律蹲踞而誦詩書  
大戴禮公符篇孝昭冠辭溥溥之土承天之神與甘風  
雨庶卉百穀莫不茂者韓詩外傳肅肅鴉羽集于苞栩  
王事靡盬不能藝稷黍父母何怙悠悠蒼天曷其有所予  
道不行邪使汝願者漢枚乘梁王菟園賦選擇純熟挈  
取含苴復取其次願賜從者司馬相如上林賦鼓嚴溥  
縱獠者江河爲陸泰山爲櫓嚴忌哀時命霧露濛濛其  
晨降兮雲依斐而承宇虹霓紛其朝霞兮夕淫淫而淋雨  
怵茫茫而無歸兮悵遠望此曠野下坐釣於谿谷兮上要  
求於僊者東方朔七諫見下王褒九懷天門兮墜戶  
孰由兮賢者無正兮溷廁懷德兮何覩假寐兮慙斯誰可  
與兮寤語易林訟之家人戴堯扶禹從喬彭祖西遇王  
母道路夷易無敢難者文師之小過鄰不我顧面望玉女  
身多癩疾誰肯婦者大過之泰當年少寡獨與孤處雞  
鳴犬吠無敢誰者我生不辰獨嬰寒苦大壯左有噬熊  
右有齧虎前觸鋏矛後躡彊弩無可抵者列女傳楚野

辯女頌辯女獨乘遇鄭使者鄭使折軸執女忿怒女陳其  
冤亦有其序鄭使慙去不敢談語 越絕書見上 又見  
走字下 張衡西京賦見平聲溝字下 鄙生生乎三百  
之外傳聞於未聞之口文選李善本口作者晉之與切  
漢三公山碑文見耦字下 參同契見下 黃庭經洞房  
紫極靈門戶是管太上告我者左神公子發神語右有白  
元併立處 至道不煩不芴迂靈臺通天臨中野方寸之  
中至關下玉房之中神門戶既是公子教我者 南齊書  
樂志見上 元周伯琦六書正譌曰者專於切古諸字別  
事辭也从白卽自字从鼎古旅字諧聲秦刻詛楚文如此  
僭爲洲渚字掌與切又僭爲卽物之辭止野切旣爲僭義  
所專後人遂增水作渚以別之諸渚者三字古文一字也  
說文書諸豬儲都瘠屠渚翦鬻楮渚堵賭箸暑緒署  
皆以者得聲 按止野反卽掌與反秦詛楚文曰寘者冥  
室又曰率者侯之兵又曰箸者石章皆是諸字



# 堵

古音觀亦音渚 漢書地理志南陽郡堵陽韋昭曰堵音渚 張釋之傳同 後漢書朱祐傳註同 左傳僖七年

鄭有叔詹堵叔師叔堵丁古反又音渚 襄十年司氏堵氏堵音渚或丁古反 十五年鄭人奪堵狗之妻堵音渚

儀禮燕禮註公父文伯飲南宮敬叔酒以路堵父爲客堵音渚 今此字兩收於十姥三十五馬部中人

# 赭

古音渚 漢書禮樂志郊祀歌天馬篇太一泥天馬下霑赤汗沫流赭 王褒責髯奴辭豈若子髯既亂且赭枯槁秃瘁劬勞辛苦汗垢流離汙穢泥土 詩疏引齊語問婦人欲買赭不謂竈下有黃土 東觀漢記明德馬太后引俗語時無赭澆黃土

野

羊者切

古晉墅 書禹貢荆岐既旅終南惇物至于鳥鼠原隰底  
績至于豬野三危既宅三苗丕敘 詩燕燕首章燕燕于  
飛差池其羽之子于歸遠送于野瞻望弗及泣涕如雨  
叔于田見上 葛生首章葛生蒙楚藪蔓于野予美以此  
誰與獨處 株林見上 七月五章五月斯螽動股六月  
莎雞振羽七月在野八月在宇九月在戶十月蟋蟀入我  
牀下穹窒熏鼠塞向瑾戶嗟我婦子曰爲改歲入此室處  
東山見入聲蠋字下 鴻鴈見下 鶴鳴首章鶴鳴于  
九皋聲聞于野魚潛在淵或在于渚 小明首章明明上  
天照臨下土我征徂西至于芄野二月初吉載離寒暑心  
之憂矣其毒太甚念彼共人涕零如雨豈不懷歸畏此罪  
罟 何草不黃三章匪兕匪虎率彼曠野哀我征夫朝夕  
不暇 篤公劉三章京師之野于時處處于時廬旅于時  
言言于時語語 駟見上 閟宮二章至于文武續大王

之緒致天之屈于牧之野無貳無虞上帝臨汝敦商之旅  
克咸厥功王曰叔父建爾元子俾侯于魯大啟爾宇爲周  
室輔左傳見上孔子猗蘭操見上楚辭離騷女嬃  
之嬋媛兮申申其詈予曰鮌婞直以亡身兮終然天乎羽  
之野穆天子傳荅西王母謠予歸東土和治諸夏萬民  
平均吾顧見汝比及三年將復而野世民吟北徂西土  
爰居其野虎豹爲羣於鵠與處越語范蠡對王往從其  
所剛強以禦陽節不盡不以其野彼來從我固守勿與  
管子地員篇凡聽羽如鳴馬在野莊子逍遙游篇見上  
在宥篇今夫百昌皆生於土而反於土故余將去女入  
無窮之門以游無極之野大戴禮曾子制言上篇近市  
無賈在田無野行無據旅五帝德篇舜之少也惡顓勞  
苦二十以孝聞乎天下三十在位嗣帝所五十乃从葬於  
蒼梧之野荀子見去聲謝字下呂氏春秋介立篇介  
子推賦詩曰有龍于飛周徧天下五蛇從之爲之丞輔龍  
反其鄉得其處所四蛇從之得其露雨一蛇羞之槁臥於